

La vielha usina

1 - Drin en delà deu caminau
La vielha usina que plora suu passat,
Dab los sons carrèus estelats
Peus mainats a còps de calhaus.
E lo resson
Deu motor
Deus camions
Que vien trucà's
Suu mur negrós,
A contunhar,
Shens desvelhar
Lo huec deus horns.

2 - Quan passa aqui, en espiant
Çò qui estó lo lòc deu son tribalh,
Qu'ei saunegiu lo praube Joan :
Que sap non cau pas tròp pensà'i...
Qu'avè
Tanben
L'ideia un dia de
Totun poder
Mià'i lo hilh
E deu véder
Dens lo talhèr
Vestit d'obrèr.

3 - Mes com l'aigueta de l'arriu
Ei uei a noste e doman en la mar,
Lo tribalh ací qu'ei hueitiu.
Tant per tant vienut que se'n va.
E quan
Lo Joan
Passa, lo pas soant
Suu vielh camin,
Be's hè mau sang
En bèth pensant
A l'avenir
Deu son hilh gran.

4 - Drin en delà deu caminau
La vielha usina a còps que sembla viva;
E los plaps negres au portau
Que'u hèn com ua cara esmalida.
E dens
Lo vent
Corrent suu bastiment
Lo Joan, sovent,
Que ditz qu'enten
Un broniment
Qui va creishent :

Qui sap d'on vient ?

La vieille usine

1 - Un peu en retrait de la route
La vieille usine pleure sur le passé,
Avec ses carreaux étoilés
A coups de cailloux par les enfants
Et l'écho
Du moteur
Des camions
Vient frapper
Sur le mur noirâtre,
A longueur de journées,
Mais sans réveiller
Le feu des fours.

2 - Quand il passe là, en regardant
Ce que fut le lieu de son travail,
Le pauvre Jean est songeur :
Il sait qu'il ne faut pas trop y penser...
Il avait
Aussi
L'idée, un jour de
Pouvoir quand-même
Y amener son fils
Et de le voir
Dans l'atelier
En tenue d'ouvrier.

3 - Mais comme l'eau du ruisseau
Est aujourd'hui chez nous et demain dans la mer,
Le travail ici est passager.
Aussitôt arrivé il s'en va.
Et quand
Jean
Passe, le pas resonant
Sur le vieux chemin,
Il s'inquiète beaucoup
En pensant
A l'avenir
De son fils aîné.

4 - Un peu en retrait de la route
La vieille usine, parfois, semble vivante;
Et les taches noires sur le portail
Lui dessinent comme une figure en colère.
Et dans
Le vent
Balayant le bâtiment
Jean, souvent,
Dit qu'il entend
Un grondement
Qui enfle :

Qui sait d'où ça vient ?